

✠

Nos Sr. D. Franciscus Xaverius Lanzurica Corralba,

Dei et Sanctae Sedis Apostolicae gratia Episcopus Titularis Siniandem., Administrator Apostolicus dioecesis Victoriensis, etc., etc. eoque absente, infra-  
scriptus Vicarius Generalis.

Dilecto nobis in Christo Dno. Josepho M<sup>e</sup> Arizmendi-arrieta et Mada-  
riaga, synodaliter examinato.

salutem in Domino sempiternam. Cum te in Presbyteratus ordine canonicè constitutum, ac sacris caeremoniis congruenter instructum esse noverimus, licentiam tibi concedimus ad tempus quo examina  
quinquennalia celebrentur.

duraturam, ut juxta Missalis Romani rubricas, in hac nostra Dioecesi, sine juris parochialis praejudicio, Missae Sacrificium celebrare valeas etiam in Oratoriis privatis; praecipientes omnibus et singulis ecclesiarum rectoribus et superioribus, caeterisque ad quos spectat, ut ejus usum nec impediunt nec impedire praesumant; nemine tamen dubitante, Nos cleri decori et fidelium aedificationi consulentes, quemquam sacerdotem celebraturum accedere sine habitu clericali omnino interdictum velle; immo caeremonias cum gravitate et modestia fieri, lectionemque ita distincte pronuntiari volumus ut non minori tertiae partis horae spatio Sacrum peragatur.

Simili modo, cum fidedignum de tuis virtutum meritis testimonium habeamus, facultatem item tibi impertimur ut Dei verbum praedicare et evangelicam doctrinam juxta Ecclesiae declarationes ac Patrum sententias, aperire possis et valeas; ex animo tibi commendantes ut quae in encyclicis Litteris Humani generis Sanctissimi Domini Nostri Benedicti PP. XV, diei 15 junii 1917 et in normis S. Congregationis Consistorialis, diei 28 julii 1917 praescribuntur, fideliter serves.

Maxima etiam vitae ac morum integritate, singulari prudentia, ac scientia rerum divinarum congruenter praedictos esse oportet, qui ad Poenitentiae Sacramentum ministrandum deputandi sunt. Cumque te hisce dotibus satis ornatum non immerito judicemus, ideo potestatem tibi impertimur ad praedictum tempus duraturam, ut in hac nostra Dioecesi sine praejudicio juris parochialis, confessiones audias, omnesque poenitentes, exceptis Religiosis, rite dispositos absolvere valeas a quibuscumque peccatis, praeter ea quae Sedi Apostolicae ac Ordinario sunt reservata. Utere ergo accepta potestate ad aedificationem, non ad destructionem, et summo cave, ne dum alios a peccatorum satagis nexibus liberare, te infeliciter implices, quae pro recta hujus tanti Sacramenti administratione a sacris canonibus sancita sunt, attente legens, accurate perpendens et fideliter exequens. Prae oculis praesertim habeas Constitutiones Benedicti XIV, incipientes: Sacramentum Poenitentiae, Apostolici muneris et Apostolici ministerii adversus sollicitantes, venerum complicem et sacramentalis sigilli infractores latas; et si quid arduum inveneris, in cujus resolutione sis anceps, sapientiores te consule, absolutionem interim differendo. Serio quoque tibi praecipimus, ob tanti Sacramenti venerationem, ne in privatis domibus vel Oratoriis illud administres, nisi gravis postulet necessitas. Tandem te semper admonitum esse volumus, ut in omnibus gloriam Dei et salutem animarum promoveri studeas, plusque ad id assequendum orationi quam propriae industriae fidas.

Datis in nostro Episcopali Palatio Victoriensi die décima mensis  
julii anno Domini millesimo nongentesimo quadragésimo primo



(De mandato Excmi. ac Rvmi. Administratoris Apostolici)

*[Handwritten signature]*  
*[Handwritten signature]*  
Sup.

CASUS PRAELATO RESERVATI

Periurium in iudicio.

Homicidium voluntarium, atque formalis ad id cooperatio.

Incendium domuum aut messium, vastatiove arborum,

aut vinearum, ex deliberata damnnum inferendi intentione.

Praecedentes licentias, praemisso examine primo ex quinquennialibus, ad tempus quo proxima examina quinquennalia celebrentur prorogamus. Victoriae 11 junii 1942.

De mandato Excmi. ac Rvdmi.  
Administratoris Apostólici.

*Pedro Rodriguez*  
*N. F. J. J.*



Ordinario

Primo

1111

